

## ՏԵՂԵԿԱՏՎՈՒԹՅԱՆ ՉԲԱՑԱՀԱՅՏՄԱՆ ՀԱՄԱՁԱՅՆԱԳԻՐ

ք. Երևան

«31» Մարտի 2021թ.

Հայաստանի Հանրապետության պետական եկամուտների կոմիտեն, հասցեն՝ ՀՀ, ք. Երևան, Մ. Խորենացի 3,7, ի դեմս գլխավոր քարտուղար Էդգար Գևորգյանի, (այսուհետ՝ Պատվիրատու), ով գործում է ՀՀ վարչապետի 2018 թվականի հունիսի 11-ի թիվ 702-Լ որոշմամբ հաստատված Հայաստանի Հանրապետության պետական եկամուտների կոմիտեի կանոնադրության հիման վրա, մի կողմից և «ԱՅԹԻՌԵՍՈՒՐՍԻՍ» ՍՊԸ-ն, ի դեմս տնօրեն Դավիթ Շահբազյանին, (այսուհետ՝ Կատարող), մյուս կողմից՝ պատվիրատուն և կատարողն առանձին հիշատակման դեպքում այսուհետ նաև՝ «Կողմ», իսկ համատեղ՝ «Կողմեր»

**ՀԱՇՎԻ ԱՌՆԵԼՈՎ**, որ Պատվիրատուի կողմից Կատարողին 2021 թվականի հունվարի 22-ին կնքված թիվ ՊԵԿ-ԳՀԾՁԲ-20/053 ծածկագրով պայմանագրի (այսուհետ՝ Պայմանագիր) շրջանակներում, կարող են տրամադրվել գաղտնիք հանդիսացող տեղեկություններ, ինչպես նաև տեղեկություններ, որոնք Կատարողին կարող են հասանելի դառնալ բացառապես Նախապայմանագրային հարաբերությունների, Պայմանագրի կնքման և դրա կատարման շրջանակներում,

**ՀԱՇՎԻ ԱՌՆԵԼՈՎ**, որ Պատվիրատուն ցանկանում է պահպանել Կատարողին տրամադրված գաղտնիք պարունակող տեղեկությունների գաղտնիությունը, իսկ Կատարողը համաձայն է և ցանկանում է ստանձնել Պատվիրատուի գաղտնի տեղեկությունների չբացահայտման պարտավորությունը,

Կողմերը կնքեցին սույն համաձայնագիրը (այսուհետ՝ Համաձայնագիր) հետևյալի մասին.

### 1. ՀԱՄԱՁԱՅՆԱԳՐՈՒՄ ԿԻՐԱՌՎՈՂ ՀԻՄՆԱԿԱՆ ՀԱՍԿԱՑՈՒԹՅՈՒՆՆԵՐԸ

Համաձայնագրում օգտագործվող հասկացություններն ունեն հետևյալ նշանակությունը.

«**Գաղտնի Տեղեկատվություն**» - ցանկացած կողմին ուղղակի կամ անուղղակի, գրավոր (ներառյալ թվային կամ թղթային) կամ բանավոր կամ ել նյութական իրերի հետազոտման ընթացքում տրամադրված ցանկացած տեղեկատվություն, եթե այն երրորդ անձանց անհայտ լինելու ուժով ունի իրական կամ առևտրային արժեք, չկա օրինական հիմքերով այն ազատորեն ստանալու հնարավորություն և տեղեկատվություն ունեցողը միջոցներ է ձեռնարկում դրա գաղտնիության պահպանման համար, ներառյալ, առանց սահմանափակման, աշխատանքային նախագծերը, ֆինանսական տեղեկատվությունը, բիզնես նախագծերը, առևտրային գաղտնիքները, նոու-հաուները, ծրագրային ապահովումը և ելակետային կողերը:

Այնուամենայնիվ, Գաղտնի Տեղեկատվություն հասկացությունն իր մեջ չի ներառում Պատվիրատուի կողմից Կատարողին տրամադրված այնպիսի տեղեկատվությունը, որը.

- (ա) Նախապայմանագրային հարաբերությունների ընթացքում կամ Պայմանագրի կնքման պահին կամ դրանից հետո հանրամատչելի է դարձել առանց Կատարողի կողմից որևէ գործողության կամ անզգուշության,
- (բ) ակնհայտորեն մշակվել է Կատարողի կողմից՝ առանց Գաղտնի Տեղեկատվության օգտագործման,
- (գ) Կատարողի կողմից օրինական կարգով ձեռք է բերվել երրորդ անձից՝ առանց դրա բացահայտման կամ օգտագործման սահմանափակման:

**«Երրորդ անձ»** - Համաձայնագրի կողմ չհանդիսացող ցանկացած իրավաբանական կամ ֆիզիկական անձ:

## 2. ՀԱՄԱՁԱՅՆԱԳՐԻ ԱՌԱՐԿԱՆ

2.1. Համաձայնագիրը կարգավորում է Կողմերի միջև Նախապայմանագրային հարաբերությունների ընթացքում, ինչպես նաև Պայմանագրով նախատեսված պարտավորությունների կատարման ընթացքում Գաղտնի տեղեկատվության տրամադրման, փոխանցման, պահպանման, հրապարակման գործընթացը և կորպորատիվ տեղեկատվական ցանցում արտաքին մուտքի միջոցով հեռակա աշխատանքի (այսուհետ՝ հեռաաշխատանք) գործընթացը:

## 3. ԳԱՂՏՆԻ ՏԵՂԵԿԱՏՎՈՒԹՅԱՆ ՉԲԱՑԱՀԱՅՏՈՒՄԸ

3.1. Կատարողը պարտավոր է ձեռնարկել բոլոր անհրաժեշտ միջոցները Գաղտնի տեղեկատվության պահպանությունն ապահովելու համար: Կատարողն իրավունք չունի ուղղակի կամ անուղղակի ձևով որևէ երրորդ անձի բացահայտել Պատվիրատուի կողմից տրամադրված կամ նրանից ստացված Գաղտնի տեղեկատվությունը:

3.2. Կատարողը ստանում և օգտագործում է Պատվիրատուի կողմից տրված Գաղտնի տեղեկատվությունը բացառապես Նախապայմանագրային հարաբերությունների նպատակների, ինչպես նաև Պայմանագրով նախատեսված իր պարտավորություններն իրականացնելու համար:

3.3. Կատարողը կարող է գաղտնի տեղեկատվությունը միայն Պատվիրատուի հետ Նախապայմանագրային հարաբերությունների, ինչպես նաև Պայմանագրով սահմանված պարտավորությունների կատարման շրջանակներում հաղորդել իր աշխատակիցներին, խորհրդատուներին, պետական կամ տեղական ինքնակառավարման մարմիններին (դրանց պաշտոնատար անձանց) կամ Ծառայությունների մատուցման համար Կատարողի կողմից ներգրավված Երրորդ անձանց և Պատվիրատուի համաձայնությամբ այն Երրորդ անձանց, որոնք ստանձնել են Համաձայնագրով նախատեսված գաղտնիության պահպանման

պարտավորությանը էապես համանման պարտավորություն կամ այն Երրորդ անձը, ով նմանատիպ պարտավորություններ արդեն իսկ կրում է օրենքի կամ այլ իրավական ակտի համաձայն:

3.4. Կատարողը երաշխավորում և ապահովում է հետևյալը՝

3.4.1. չկրկնօրինակել Պատվիրատուի կողմից տրամադրված Գաղտնի տեղեկատվությունը, բացառությամբ Պատվիրատուի կողմից նախապես տրված գրավոր թույլտվության դեպքերի,

3.4.2. Պատվիրատուի պահանջով անհապաղ վերադարձնել ամբողջ Գաղտնի տեղեկատվությունը և դրա պատճենները և ոչնչացնել ամբողջ Գաղտնի տեղեկատվությունը և գրավոր հաստատել դրա ոչնչացման փաստը՝ Պատվիրատուի կողմից նման պահանջ ստանալուց հետո մեկամսյա ժամկետում,

3.4.3. Պատվիրատուին անհապաղ գրավոր կերպով տեղեկացնել այն դեպքերում, երբ Կատարողը պարտավոր է բացահայտել Գաղտնի տեղեկատվությունը կամ վերջինիս որևէ մաս,

#### **4. ՊԱՏԱՍԽԱՆԱՏՎՈՒԹՅՈՒՆ**

Համաձայնագրով Կատարողի ստանձնած պարտավորությունների խախտման հետևանքով Կատարողի կողմից Գաղտնի տեղեկատվության չթույլատրված տարածման կամ բացահայտման դեպքում Պատվիրատուն իրավունք ունի՝

4.1. Կատարողը պատասխանատվություն չի կրում այնպիսի տեղեկությունների բացահայտման համար.

(ա) որոնք հանրամատչելի են,

(բ) այն ծավալով, որով այդպիսի տեղեկատվությունը տրամադրվել է Կատարողին որևէ Երրորդ անձի կողմից, որը լիազորված է բացահայտել այդպիսի տեղեկատվությունը և որը Պատվիրատուի առջև չունի պարտավորություն՝ պահպանելու այդպիսի տեղեկատվության գաղտնիությունը,

(գ) որոնք Կատարողին բացահայտվում են Պատվիրատուի կողմից ուղղակի ցուցումով այն մասին, որ այդ տեղեկատվությունը գաղտնի չէ,

(դ) այն ծավալով, որով այդպիսի տեղեկատվությունը կօգտագործվի Կատարողին աջակցելու համար՝ Կատարողի նկատմամբ վարվող կամ ներկայացված որևէ հայցից կամ քննությունից պաշտպանվելու նպատակով:

#### **5. ԺԱՄԿԵՏ ԵՎ ԳՈՐԾՈՂՈՒԹՅԱՆ ԴԱԴԱՐԵՑՈՒՄ**

5.1. Համաձայնագիրն ուժի մեջ է մտնում ստորագրման պահից և գործում է Կողմերի միջև Պայմանագրի կնքման դեպքում, այդ Պայմանագրի գործողության ժամկետի ողջ ընթացքում, ինչպես նաև դրա դադարումից (լուծումից) հետո:

## 6. ԵՐԱՓԱԿԻՉ ԴՐՈՒՅԹՆԵՐ

6.1. Համաձայնագիրը կնքված է հայերենով, 2 (երկու) օրինակից, որոնք ունեն հավասարազոր իրավաբանական ուժ: Կողմերից յուրաքանչյուրին տրվում է Համաձայնագրի մեկական օրինակ:

## 7. ԿՈՂՄԵՐԻ ՍՏՈՐԱԳՐՈՒԹՅՈՒՆՆԵՐԸ ԵՎ ՎԱՎԵՐԱՊԱՅՄԱՆՆԵՐԸ

### ՊԱՏՎԻՐԱՏՈՒ

ՀՀ պետական եկամուտների կոմիտե  
ք.Երևան, Մ. Խորենացի 3,7  
ՀՎՀՀ 02647057  
Հ/Հ 900011054013  
ՀՀ ՖՆ աշխատակազմի  
գործառնական վարչություն  
Գլխավոր քարտուղար

### ԿԱՏԱՐՈՂ

«ԱՅԹԻՌԵՍՈՒՐՍԻՍ» ՍՊԸ  
ՀՀ, ք.Երևան, Ե. Քոչար 23/64  
«Ամերիաբանկ» ՓԲԸ  
Հ/Հ 1570063238750100  
ՀՎՀՀ 02677364  
Տնօրեն

Է. Գևորգյան



Դ. Շահբաջյան

